

نومبر ۹

جمعه ایرتسی

تاریخ تأسیس
۱ مایس سنه ۱۲۹۷

عمومی اعتباریه فنونه دائر رساله ادبیه در

آیده درت کره اوله رقی جمعه ایرتسی کونلری حیقار

باقی اشکرہ کلیرسہ قبول ایدرسکر منظومدر ۱... سترہ
ازانہ و اعطا پیورہ پیلیر .

خزینہ اور اقدن یامدہ بر نسخہ اولسہ مندرجاتی اکلارده
اکاکورہ شیر یازوب یوللاردم یوللادیغم بر واعظہ
بر موعظہ در بوکا نمائل اخلاق و عادات و ادیان اوزرینہ
مباحثاتی شامل بندہ بر قایح منظومہ دہا اولدیغی کی بر پرستار
خیالک یازہ ییلہجکی صورتہ شاعرانہ عاشقپسندانہ بر طاقم
ہذویات دخی واردہ .

ریزده مطبعه یوق که آثار می استانبولده یادیغم کی مجموعہ
مخصوصہ اولہرق باصدیریم شمدی بوش طورماق ایچون
یازدیغم شیلری بویله براکنده اولہرق طبع ایتدیرمکن بشقه
چارہم یوقدر . بخلہ بو بایده و بشقه بایده مخابرہ ایتک
ایستر و شو مکتوبہ جواب ویرر ایسدن بنم دخی او
خصوصہ قصور ایتمکله برکوزل وسیله اولور باقی محبت
و مودت برادرک

عبد الحق حامد

فی ۱ حزیران سنہ ۹۷

روح - مابعد

خایت سودیکمز ادملز واردر که ابدآ سرمدآ اول ذوات
ایله برابر بوئمخلق نعمتی کی قیمتی برشی صایمز بنغزده مؤسس
اولان طاتلو مناسباتمز بالانقطاع بر دهآ کورشماسک اوزره
بر مفارقت دائمیه جزمز اولسه عجبا حال ضجرت اشتماز نه
اولور . بو نتیجه مودت و محادنت ایله مربوط اولدیغمز وتسلیت

بخش حیات و ثمره عمر عزیز من صاید بکن اهل و عیال و قافلها
و اولاد و اقربا و دوستان عزیزانم ایله اخلاق مدنیت ایله غرس
اوئتش و موت ایله زائل اولمز درجده عروقی روح روانمه
قدر صالوب یرلشد یرمش اولان شجره محبت آتش فرقت
سرمدی ایله یانوب محو و بینشان اولق لطیفه می صانرسکز !

بروالده مشفق ضایع ایتمش اولدینی برثمه فوادی و کجه
و کوندز نار افتراق و هجران ایله یاندینی جگر پاره سنی ابداً بردها
کورمه جکنی و اول اولادینک ارتق خیالندن بشقه نام و نشانی
قالدینی افاده و بو خصوصده انی اقتناع ایتمی تجربه ایدیکرده
بزی بر بقای بی انتهایک وجودینه شوق ایتدیرن وجدان صحیحک
درجه متانتی اول زمان اکلرسکز !!!

طبیعتک تعلیماتی و وجدانک تنبیهاتی عبث ظن ایتمک عدم
بقا ادعا سنده بولنان سوفسطاء الاعتقاد میاننده بعدالموت
سود کلرینک ملاقاتندن امیدینی قطع ایتدیکنی قولاً سویلیان
وارسه دخی حالاً و وجداناً املنی ضایع ایدن اولما ملیدر . انسان
نصایح وجدانیه سنی ایشتمامک ایچون اللریله قولاق لرینی تیقار سه دخی
انی اسکت ایچون ایتدیکنی سعی و اجتهادی نافله در ذاتاً عدم منفور
آدم حب بقا ایله مغطور در . وجود و بقا طبیعتک برنجی احتیاجیدر .
نه دینک بو کون بن حس ایدرم دوشنورم سورم عالمی ادراکده قصور
ایتم ماهیت بی پایانی تصور ایدر بر مخلوق عاقل اولدیم حالد یارین
جیحوسی دید کلری و جهله دنیا ده بولند میوب عدمه کیده یم ملک
عدمده بر جسم جامده دونه یم باصدیغم تراب حالنه یدیکم
سبره و میوه صورته کیره یم ! بر باقشله بولنر ده هب خیالدر :

بو یله سوزلر انسانی خیال اندن خیال ایچنده براقور . بحث
 بوکجه نازکشدیکی یرلرده موقه قلی تعطیل ایتمک ایودر
 بو یله بر فکر سحیفه جله قوای ظاهره و باطندم طغیان
 ایدوب باشمه اوشر یرقایلر علیل خسته لر عاجز بیکسلر
 هر شیدن محروم و مأیوس اولدقلری حالده بیله وجوده دال
 اولان حیاتی طیارجه سنه سورلر بسیتون حیاتدن منقطع اولدن
 ایسه اضطراب دائمی بی اختیار ایدرز الم حکمک هیچ اولمسه
 یشامقدن معدوددر . بر عذاب دائمی بیله ملک عدمک بالین
 استراحتدن مر جعدر .

الحاصل ماهیت طبیعه مرک جله ارزولری نهایتنر نعمتله
 میال اولوب و بو میل و توجهلر بر امتیاز مخصوصی کجه بعض
 منتخب ذواته منحصر اولمیوب درجات متفاوته اوزره علی
 انعموم افراد بشرک نصیبی در واقعا بعض اهل عرفان و تحقیقک
 استعداداده بو وجدان عمومینک احکامی دها زیاده رسوخ
 اوزره بولندرق بو باده اولان افکاری دها واضح ایسده
 تفوقلری مجرد تربیدلرینک مقتضاسی اولوب اتفاق بر امتیاز
 دکلر بوندن ماعدا بو کیفیات نفسانیسنک بعضیسی فطری
 اولوب کسب احتیاجی یوقدر مثلا جانمک کسب الفت ایتمش
 اولدیغی ذواتله مواصلت و الشدیغمر معارف و صنایعه دوام
 و مواظبت و بقای سرمدی و سعادت احوالزه اولان میل و محبت
 بو قییلدندر بناء علیه عالم و جاهل احق و عاقل نعم و بی پایانه
 میال اولدیغمر و انلره توسل اولمقدقجه راحت و حضورمز
 مسلوب اولدیغنی حس ایتدیگمز هر کسک وجدانیله ثابتدر
 لکن بی ادم بو میل و مطالبی بولوب کسب خوشنودیت

ایده جگمیدر؟ بونجه ثبات و هیجان صمیمیسیله طلبنه دوام
ایتدیی مقاصدینه نائل اوله جقمیدر؟ تحقیقاتنه کلنجه بیچاره
انسان اوله چوق شیر بتلر زیره قوه عاقله و حواس ظاهره
و باطنه سی ناتمام اولدیغی مشهود و کندوسی هر طرفدن متاهیلر ایله
احاطه و تضییق اولندرق مسکنی بر کوچك عالم ایچنده محدوددر
ایشته عند المقایسه مستعدات و میل و همت عالیده سیله مالک
اولدیغی قوای بدیده سی اراسنده پک مورث اسف بر مناسبت سزلک
بولور.

یازقکه انسان علوم و فنون غیر متاهیده یی کسب ایتک
استدیکی حالده نصیبی اکثریا شکوک و ظنوندر زیاده متاتله تأسیس
اولدیغنی ظن ایتدیکی معارف فرضیاته طیانورلر جمله حادثات
کونیه نك اسباب و علل حقیقیه سی ارزو ایتدیکی حالده حادثاتک
اکثریسی و رای نقاب جهلده قالورلر بونجه کشفات جدیده دن
انسانک اک زیاده مستفید اوله جق جمعیت بشریه نك نظام تامنی
ویشامق طریقنی بیله تمامیه حل ایده مدیسه بیکلر جه سنه حقایق
اشیا و هیئت عالم بابنک بناسیجون اقامه اولنسان دلائله مماثل
ادلله جدیده دخی انلر کبی منهدم اولیه جقلرینه فصل امنیت
ایده ییلور چوق کره بر عصرک ترقیاته یالکر عهد سالفک
خطایاسنی اکلامق و مؤخره نوبتکه انلره مماثل مسدکلر بنا
ایتمکدن عبارت اولور مثلاً عصر مزده عالمک حقیقتده نه صورت
اوزره اولدیغنی (طالس) (فیثاغورث) (ابرخس)
(اسپینوزا) (مالبرانث) (دقارت) (لیبسچد) ن دها اعلا
ییلورز اما نفس الامرده نیجه اولدیغنی تمامیه بیله میورز!
انسان کندی راحتنی مستلزم بر کمال اخلاق هر طرفده

حکومت ایتدیکنی کورمک استر حالبوکه هوا وهوس ورزائل
شخصیه نك خصال وشیم وفضائل عمومیه ایله اولنان منازعات
دائمه منظره سی لایق قطع کوزلرینی چارپار.

مابعدی وار

قدمای ملوک مصریه تاریخی - مابعد

حالبوکه مومی ایها قایوپاتر پک مکاره اولغله انطوانه خیا -
نتاک ایتک طریقنی تحری ایلکده ایدی شویله که انطوان برای
استدعای مصالحه اوقتا و طرفنه مرخص سفرا ارسال ایدوب
مصر قرالیتی قایوپاترک یدنده ابقا اولق شرطیله کندوسی هر
شیدن فراغت ایتک واحاد ناس کروهنه کیروب آتنه شهرنده
تعیش ایتک ماده لرینی تعهده مآذونیت کامله دخی ووردیکی حالد
قلیوپاتر کندی طرفندن دخی همان مأمورلر اعزامیله ظاهرده
رسماً استدعای مصالحه ده مأمور ایتش ایسده مصر قرالیتی
کندوسنه ابقا اولندیغنی صورتده کندوسی انطوانی بتون بتون
ترک ایله اوقتاوک طرفنه دونه جکفی تأمین ایلسنه دخی خفیا
تعلیمات ویرمش اولدیغندن بریرینی قووالیدرق مصالحه ده شتاب
ایدن بویله مرخصله اوقتاو جواب بیله ویرمیوب قلیوپاترک
سفراسنی بعض واهی وعدلر ایله اغفال وانطوانک الچیرینه
علناً ورسماً استسقال ایدرک کندیسی مصر جانبنه عزیمتله ابتدای
امر ده بیلوس شهرینه واصل اولمشدر. قلیوپاترک خفی امرینه
مبنی شهر مذکورک محافظه سنه مأمور اولان عساکر اصلا
مقاومت ایتیب مومی الهی متبوعلرندن الدقلری اوامر موجبجه
حسن قبول ایتلر ایله قرانیجه مومی ایها بو صورتله انطوان